



Republika e Kosovës

Republika Kosova-Republic of Kosovo

Qeveria –Vlada-Government

MINISTRIA E ARSIMIT E SHKENCËS DHE E TEKNOLOGJISË
MINISTARSTVO ZA OBRAZOVANJE NAUKU I TEHNOLOGIJU
MINISTRY OF EDUCATION SCIENCE AND TECHNOLOGY

LISTË DISTRIBUIMI/ CIRKULARNO PISMO/ ROUTING SLIP

REFERENCË:					
PËR/ZA/TO:		Shyqiri Bytyqi, Ministër i Arsimit Shkencës dhe Teknologjisë së Republikës së Kosovës			
CC:					
PËRMES/PREKO/THROUGH:		Prof. assoc. dr. Gjon Berisha - <i>sekretar shkencor</i>			
NGA/OD/FROM:		Prof. assoc. dr. Sabit Syla, <i>drejtor</i>			
TEMA/SUBJEKAT/SUBJEKT:		Raporti Vjetor i Punës për vitin 2018			
Nr. i zyrës: Br. kancelarije: Room No.:		Lokacioni : Kuceni: Extension :	Instituti i Historisë	Data: Datum: Date:	28/12/2018
PËR MIRATIM/ZA USVAJANJE/FOR APPROVAL					X
PËR NËNSHKRIM/ZA POTPIS/FOR SIGNATURE					X
PËR INFORMIMIN TUAJ/ZA VASU INFORMACIJU/FOR YOUR INFORMATION					X
AFATI/KRAJNI ROK/DEADLINE					

I nderuar, ministër i Arsimit, Shkencës dhe Teknologjisë së Republikës së Kosovës.

Në kuadër të veprimtarisë themelore të Institutit për rezultate të punës kërkimore - shkencore, në pajtim me Projektligjin, Ligjin dhe me Statutin, po u dërgojmë Raportin Vjetor të Punës për vitin 2018.

VEPRIMTARISË KËRKIMORE-SHKENCORE

1. Aktivitetet shkencore: Konferenca Shkencore

Gjatë vitit 2018 Instituti i Historisë “Ali Hadri”-Prishtinë, në bashkëpunim me institucionet tjera shkencore si në Kosovë ashtu edhe në Shqipëri dhe Maqedoni, arriti që të organizoi pesë Konferenca Shkencore kombëtare e ndërkombëtare, duke shënuar ngjarje dhe përvjetore të rëndësishme të cilat ndërlidhën me historinë e popullit tonë. Si rezultat i kësaj pune Instituti i Historisë “Ali Hadri”-Prishtinë gjatë këtij viti arriti që ti shënoj këto jubile të rëndësishme: 20- vjetorin e luftës së familjes Jashari, 100-vjetorin e themelimit të Komiteti Mbrojtja Kombëtare e Kosovës, 140-vjetorin e themelimit të Lidhjes Shqiptare të Prizrenit, 550-vjetorin e vdekjes së Gjergj Kastrioti-Skënderbeu si dhe 50-vjetorin e demonstratave të vitit 1968.

a) Konferenca shkencore: “JASHARAJT DHE LUFTA ÇLIRIMTARE”

Më 6 mars të vitit 2018, Instituti i Historisë “Ali Hadri”-Prishtinë në bashkëpunim me Institutine Historisë-Tiranë dhe ITSHKSH-Shkup organizuan Konferencën Shkencore: “Jasharajt dhe lufta çlirimtare”, me rastin e 20-vjetorit të luftës së familjes Jashari. Fjalën e hapjes e mbajti prof. asoc. dr. Sabit Syla, drejtor i Institutit të Historisë “Ali Hadri”. Me fjalë rasti punimet e Konferencës i përshëndeti Jahja Lluca, Këshilltar i kryeministrit z. Ramush Haradinaj. Në këtë Konferencë u lexuan këto kumtesa:

Jakup Krasniqi, *Kontributi i Jasharajve të Prekazit në luftën çlirimtare të Kosovës, (1991-1999)*; Marenglen Verli, *Jasharajt produkt i një vatre patriotike*; Paskal Milo, *UÇK-ja në agjendën diplomatike të Shqipërisë, në pranverë 1998*; Anna Di Lellio, *Motivimi i luftës së Jasharajve përmes tregimit të ngjarjes*; Beqir Meta, *Lufta e Kosovës në kancelaritë perëndimore dhe vendin që zë familja Jashari në këtë luftë*; Ramë Buja, *Rrugëtimi i Kosovës për liri, pavarësi dhe shtetndërtim*; Sabile Keçmezi-Basha, *Qëndresa e grave të familjes Jashari, 1998*; Skënder Asani & Isak Sherifi, *Adem Jashari në kujtesën e bashkëveprimtarëve nga trojet shqiptare të Maqedonisë*; Hysen Matoshi, *Adem Jashari ndërmjet legjendës dhe historisë*; Bujar Dugolli, *Universiteti i Prishtinës dhe Ushtria Çlirimtare e Kosovës*; Kamil Bitiş, *Aktiviteti i shqiptarëve të Turqisë për çështjen e Kosovës*; Nuri Bexheti, *Kujtime nga ushtrimet ushtarake në Shqipëri*; Hamit Kaba, *Politika amerikane dhe ligjshmëria e ndërhyrjes së NATO-s në Kosovë*; Sabit Syla, *Dimensioni historik i familjes Jashari*; Ibrahim Gashi, *Lufta e Kosovës, realpolitikë e sendërtimit të idesë së shtetit të pavarur*; Bekir Yüksel Hoş, *Faktorët dinamikë në rrugën e pavarësisë së Kosovës*; Qerim Lita, *Njësitet e para ushtarake në trevat lindore shqiptare dhe roli i Adem Jasharit, 1990- 1993*; Hakif Bajrami, *Shkolla kombëtare e Prekazit deri në pavarësi (Adem Jashari, Zahir Pajaziti, Adrian Krasniqi)*; Proletar Hasani & Marenglen Kasmi, *Ndihmesa e ushtrisë shqiptare në organizimin dhe përgatitjen e forcave çlirimtare të Kosovës*; Afrim Krasniqi, *Evoluimi i qëndrimeve të partive politike në Shqipëri ndaj rezistencës në Kosovë dhe ndikimi në to i ngjarjeve të vitit 1998*; Sevdail Demiri, *Qëndrimet në Maqedoni për marsin e vitit 1998 në Kosovë* 14. Mrika Limani, *UÇK-ja në kontekst të luftërave guerile të shekullit XX*; Myrvete Dreshaj, *Shëmbëlltyra e familjes Jashari në poezinë shqipe*; Adem Zejnullahu, *Figura e Adem Jashari në këngët popullore*. Fjalën e mbylljes në këtë Konferencë e mbajti akademik Beqir Meta- drejtor i Institutit të Historisë-Tiranë. Më 07 mars 2018, u organizua vizitë të Kompleksit Memorial Adem Jashari në Prekaz.

b) Konferenca shkencore: “KOMITETI “MBROJTJA KOMBËTARE E KOSOSVËS” DHE KOHA E TIJ”

Instituti i Historisë-Tiranë në bashkëpunim me Institutine Historisë “Ali Hadri”-Prishtinë dhe ITSHKSH-Shkup organizuan me 2 maj 2018 në Tiranë Konferencën Shkencore: “Komiteti “Mbrojtja

Kombëtare e Kosovës” dhe koha e tij”, me rastin e 100-vjetorit të themelimit të këtij Komiteti. Fjalën e hapjes e mbajti Akademik Marenglen Verli-Rektor i Akademisë së Studimeve Albanologjike.

Në këtë Konferencë me kumtesa u paraqitën këta studiues: Marenglen Verli, *Komiteti “Mbrojtja Kombëtare e Kosovës”- refleksion*;Sabit Syla, *Trajtimi i Lëvizjes Çlirimtare (Kaçake) dhe Komitetit “Mbrojtja Kombëtare e Kosovës” në historiografinë shqiptare*;Ledia Dushku, *Konteksti historik i krijimit të Komitetit “Mbrojtja Kombëtare e Kosovës”*; Gazmend Shpuza, *Sali Nivica, anëtar i Komitetit “Mbrojtja Kombëtare e Kosovës”*; Qerim Lita, *Burimet policore jugosllave rreth veprimtarisë së Lëvizjes Kaçake, 1919-1922*; Lush Culaj, *Komiteti “Mbrojtja Kombëtare e Kosovës” dhe Paqja e Versajës*; Sabile Keçmezi-Basha, *Karakteret kombëtar i programeve të Komitetit “Mbrojtja Kombëtare e Kosovës”*; Ibrahim Gashi, *Marrëdhëniet shqiptaro-jugosllave në dritën e burimeve diplomatike serbe 1918-1928*; Halim Purellku, *Aksionet e armatosura të çetave guerile/kaçake në trevat lindore shqiptare (1919-1925)*; Skënder Asani - Sevdail Demiri, *Bashkëveprimi dhe koordinimi mes krerëve të Xhemijetit dhe Komitetit “Mbrojtja Kombëtare e Kosovës”*; Sali Kadria, *Zhvillimet brenda nacionalizmit shqiptar në vitet 1920-1921*; Beqir Meta, *Implikimet ndërkombëtare të veprimtarisë së Komitetit “Mbrojtja Kombëtare e Kosovës” në vitet 1921- 1924*; Albana Mema, *Marrëdhëniet mes Komitetit “Mbrojtja Kombëtare e Kosovës” dhe qeverive shqiptare gjatë viteve 1921-1924*; Fatmira Musaj, *Raportet e Ahmet Zogut dhe Komiteti “Mbrojtja Kombëtare e Kosovës” në vitet 1924-1925*; Fatmira Rama, *Pikëpamjet e Komitetit “Mbrojtja Kombëtare e Kosovës” dhe revista “Federata Ballkanike”*; Liman Rushiti, *Organizimi i luftës çlirimtare nga ana e Komitetit “Mbrojtja Kombëtare e Kosovës” dhe udhëheqja e krahut ushtarak*; Skënder Lutfiu, *Ndikimi i Komitetit “Mbrojtja Kombëtare e Kosovës” në marrëdhëniet shqiptaro-jugosllave*. Fjalën e mbylljese mbajti Akademik Beqir Meta- drejtor i Institutit të Historisë Tiranë.

c) Konferenca shkencore: “LIDHJA SHQIPTARE E PRIZRENIT”

Më 10 qershor të vitit 2018, Instituti i Historisë “Ali Hadri”-Prishtinë në bashkpunim me Institutin i Historisë-Tiranë dhe ITSHKSH-Shkup, nën patronatin e qeverisë së Republikës së Kosovës, organizuan në Sallën e Kuvendit Komunal në Prizren Konferencën Shkencore: “Lidhja Shqiptare e Prizrenit”, në 140-vjetorin e themelimit. Fjalën e hapjes e mbajti prof. asoc. dr. Gjon Berisha, u.d. drejtor i Institutit të Historisë - Prishtinë . Me fjalë rasti punimet e Konferencës i përshëndeti Jahja Lluka, këshilltar i kryeministrit z. Ramush Haradinaj, Akademik Marenglen Verli, rektor i Akademisë së Studimeve Albanologjike si dhe Prof.dr.Skënder Asani, drejtor i ITSHKSH.

Në këtë konferencë u lexuan këto kumtesa: Beqir Meta, *Profili i nacionalizmit shqiptar në foshnjërinë e tij: shqiptarët në betejat për mbrojtjen e Plavës e Gucisë (dhjetor 1879-1880)*; Paskal Milo, *Thelbi evropian i Rilindjes Kombëtare Shqiptare*; Marenglen Verli, *Çështja shqiptare në vitet e Lidhjes Shqiptare të Prizrenit dhe qëndrimet e Austro-Hungarisë dhe Italisë*; Skënder Asani & Isak Sherifi, *Jashar Bej Shkupi ne burimet e kohës*; Gazmend Shpuza, *Pashko Vasa shkodrani në Lidhjen e Prizrenit*; Fehari Ramadani, *Fati Iseni, Aspekte të veprimtarisë së Lidhjes Shqiptare të Prizrenit në kazanë e Tetovës*; Nail Draga, *Ulqini dhe Ymer Prizreni*; Hakif Bajrami, *Ymer Prizreni dhe Vaso Pash Shkodrani promoter të Lidhjes Shqiptare të Prizrenit*; Gjon Berisha, *Argjipeshkvia e Tivarit dhe çështja “Primas Serbiae”pas Kongresit të Berlinit*; Parim Kosova, *Arrestimet, burgosjet, internimet dhe dënimet e veprimtarëve të Lidhjes së Prizrenit nga ana e Perandorisë Osmane*; Fatmir Sulejmani, *Lidhja e Prizrenit dhe beteja e Konicës për jetësimin e saj*; Nebi Dervishi, *Trevat lindore ne LSHP 1878 - 1881 ne dokumentet anglo – franceze*; Besnik Emimi, *Sheh Mustafë Tetova në Lidhjen Shqiptare të Prizrenit*; Shemsi Ajvazi, *Korelacioni i Lidhjes Shqip tare të Prizrenit me Pavarësinë e Kosovës: Qëndrimi i historiografisë më të re ruse*; Iljaz Rexha, *Programi i Parë i Lidhjes Shqip tare të Prizrenit*; Zeqirja Rexhepi, *Raportet midis Fuqive të Mëdha dhe ndikimi i tyre në Lidhjen e Prizrenit*; Selver Islamaj, *Raportet e konsullit Austro-Hungarez në Prizren 1878-1881*; Albnora Musa, *Veprimtaria e Lidhjes së Prizrenit në raportet konsullore të huaja*; Hiriet Ziberi, *Disa aspekte të traditës popullore shqiptare në Lidhjen e Prizrenit*; Edmond Malaj, *Situata social-kulturore dhe politike gjate kohës se Lidhjes se Prizrenit*; Sali Kadria, *Mbrojtja e Plavës dhe Gucisë - Kalimi i*

Lidhjes së Prizrenit nga diskursi politik në qëndresën e armatosur; Ardian Muhaj, Rilindje mes dhimbjesh. Dobësimi dhe defaktorizimi i shqiptarëve në Ballkan nga Pashallëqet autonomiste tek Lidhja e Prizrenit; Anelmo Spahija, Komiteti Ndërkrahinor i Shkodrës; Eduart Caka, Lidhja e Prizrenit dhe formësimi i identitetit shqiptar brenda Perandorisë Osmane; Paulin Marku, Politika e Italisë ndaj çështjes shqiptare që prej Lidhjes Shqiptare të Prizrenit deri në pavarësinë e Shqipërisë; Nexhat Çoçaj, Kontributi i hasjanëve në Lidhjen Shqiptare të Prizrenit; Agron Islami, Politikat përafruese të Abdylhamitit II karshi shqiptarëve; Rezehana Hysa, Programi politik dhe arsimor i Lidhjes Shqiptare të Prizrenit; Shkodran Imeraj, Lidhja Shqiptare e Prizrenit në botimet dhe periodikun e Institutit të Historisë së Kosovës; Adem Ademi, Kush pësoi pas qershorit 1878.

Fjala e mbylljes e mbajti Akademik Beqir Meta - drejtor i Institutit të Historisë-Tiranë.

d) Konferenca shkencore: “GJERGJ KASTRIOTI-SKËNDERBEU NË 550-VJETORIN E VDEKJES”

Më 16 tetor të vitit 2018, Instituti i Historisë “Ali Hadri”-Prishtinë në bashkpunim me Institutin e Historisë-Tiranë dhe ITSHKSH-Shkup, nën patronatin e qeveris së Republikës së Kosovës, organizuan në Prishtinë Konferencën Shkencore ndërkombëtare: “Gjergj Kastrioti-Skënderbeu në 550-vjetorin e vdekjes”. Fjalën e hapjes e mbajti prof. asoc. dr. Sabit Syla, drejtor i Institutit të Historisë “Ali Hadri”. Me fjalë rasti punimet e Konferencës i përshëndeten: Ministri i Arsimit, Shkencës dhe Teknologjisë, z. Shyqiri Bytyqi, z. Jahja Lluka, Këshilltar i kryeministrit z. Ramush Haradinaj, Akademik Marenglen Verli, rektor i Akademisë së Studimeve Albanologjike të Shqipërisë, Dr. Skender Asani, drejtor i ITSHKSH-Shkup, si dhe Don Lush Gjergji përfaqësues i Kishës Katolike të Kosovës, Dioqezës së re Prizren-Prishtinë.

Në Konferencën kushtuara 550-vjetorit të vdekjes së Skënderbeut u prezantuan këto kumtesa: Pranvera Bogdani, *Balshajt dhe Kosova*; Jakup Krasniqi, *Porosia e fundit e Gjergj Kastriotit-Skënderbeut dhe vlerat e sajë për kohën tonë*; Gjon Berisha, *Gjergj Kastrioti-Skënderbeu dhe pozicioni Modus Vivendi i Republikës së Raguzës*; Muhamet Mala, *Arti luftarak dhe karakteri kombëtar dhe fetare i luftës së Gjergj Kastriotit- Skënderbeut*; Tamás Pálosfalvi, *Janosh Huniadi i lutet Perëndisë në Kishën e Janjevës*; Ksenofon Krisaf, *Politika e jashtme dhe diplomacia e Skënderbeut*; Qerim Dalipi & Besim Morina, *Rrethanat socio-etnike në nahijen e Tetovës, sipas regjistrimit të viteve 1467-1468*; Antal Molnár, *Kujtimi i Skënderbeut dhe fllimi i ndërtimit të kombit shqiptaro-katolik*; János Szabó, *Kusarët në Hungari - një përhapje ushtarake mesjetare nga Ballkani Perëndimor në lindje të Evropës Qendrore*; Teuta Shala-Peli, *Përprjekjet për çlirimin e Drishtit nga sundimi venedikas në kohën e Gjergj Kastriotit-Skënderbeut*; Eduart Caka, *Aspekte të situatës politiko-ekonomike të hapësirës shqiptaregjatë shek. XV bazuar në regjistrat kadastrale osmane të kësaj periudhe*; Etleva Lala & Musa Ahmeti, *Beteja e Dytë e Kosovës në burimet arkivorehungareze*; Krisztián Csaplár, *Si u shfaq Janosh Huniadi në historiografnëshqiptare (1896)?*; Dénes Sokcsevits, *Skënderbeu dhe Huniadi në letërsinë kroate*; Ștefan Andreescu, *Prania e rumunëve gjatë Betejës së Dytë të Kosovës*; Evalda Paci, *Veptra e Marin Barletit në pikëpamje vëzhgimeshndërdisciplinore. Interpretime e hollësi studimore rreth një ndërmarrjeje lapidare*; Mirie Rushani, *Gjeografia politike e Evropës në shek. XV dhe ideja përmbrojtje të përbashkët nga invazioni turk*; Adem Bunguri, *Të dhëna të reja arkeologjike mbi disa fortifikime të panjohura të Skënderbeut në rajonin e Dibrës*; Bedri Muhadri, *Beteja e Dytë e Kosovës sipas biografëve shqiptarë: MarinBarletit, Anonimi i Tivarit, Dhimitër Frangu dhe Gjenealogjia e Muzakajve*; Myrvete Dreshaj-Baliu & Begzad Baliu, *Skënderbeu dhe koha e tij në letërsinë botërore*; Enver Rexha, *Historiografia serbe për Betejen e e Dytë të Kosovës, 1448*; Muhamet Bela, *A ishte Skënderbeu nga Hasi? (Mendime rreth origjinës sëSkënderbeut) (Was Skanderbeg from Hasi?)*; Dominik Qerimi, *Marrëdhëniet e Gjergj Kastriotit-Skënderbeut me Selinë e Shenjtë, klerin dhe Kishën Katolike*.

Fjala e mbylljes e mbajti Akademik Beqir Meta - drejtor i Institutit të Historisë-Tiranë.

e) Konferenca shkencore: “DEMONSTRATAT E VITIT 1968”

Më 26 nëntor 2018, Instituti i Historisë “Ali Hadri”-Prishtinë, në bashkëpunim me Shoqatën e të Burgosurve Politikë Kosovës dhe Institutin Albanologjik-Prishtinë, organizuan Konferencën Shkencore: “Demonstratat e vitit 1968”. Në këtë Konferencë fjalën e mirëseardhjes e mbajti Hydajet Hyseni, fjalë përshëndetëse mbajti Prof. dr. Marjan Dema, rektor, i Universitetit të Prishtinës, ndërsa fjalën e hapjes e mbajti Prof. dr. Zymer U. Neziri. Në Konferencë kushtuar 50-vjetorit të demonstratave të vitit 1968 u lexuan këto kumtesa: Hydajet Hyseni, *Gjashtëdhjeteteta shqiptare-pjesë autentike e Pranverës Evropiane '68*; Selatin Novosella, *Viti 1968 -vit kthesës së madhe historike*; Abdullah Zymberi, *Efektet e Lëvizjes së vitit 1968 në botë dhe në Kosovë*; Arben Arifi, *Demonstratat e vitit 1968 në botë dhe refleksionet në zhvillimet e vitit '68 në Kosovë*; Arben Hoxha, *Vëlmet politike në Evropën e fundviteve '60 dhe demonstratat në Kosovë*; Dilaver Goxhaj (Shpëtim Golemi), *Demonstratat e vitit 1968 ishin përshëndritja e vetëdijes së shqiptarëve*; Fatmir Arifi, *Ndikimi i Adem Demaçit në Demonstratat e vitit 1968*; Hasan Ukëhaxhaj, *Rreth disa mendimeve të Ukshin Hotit për vitin 1968*; Haxhi Ademi, *Ndikimi i Demonstratave të vitit 1968 në avancimin e të drejtave të shqiptarëve në Kosovë*; Hysen Matoshi, *Kontributi socio-kulturor i Demonstratave të vitit 1968*; Memli Krasniqi, *J.B. Tito dhe statusi i Kosovës 1968-1974*; Muhamet Rogova, *50 - vjetori i Demonstratave më 1968 dhe Republika e Kosovës sot*; Nebih Jashari, *Gjenerata e vitit 1968 sot*; Rifat Blaku, *Dimenzioni antikolonial i Demonstratave më 1968*; Kudusi Lama, *Një vështrim gjeopolitik mbi Demonstratat e vitit 1968 në Kosovë*; Qerim Lita, *Demonstratat e vitit 1968 të Tetovës në dokumente*; Sabit Sylja, *Reflektimi i Demonstratave të vitit 1968 në diplomacinë e shtetit shqiptar*; Somanta Rose Simpson, *Një çrregullim i ngjashëm? Demonstratat në Kosovë dhe në Irlandë*; Zeliye Shala, *Qëndrimi i Komitetit të Lidhjes së Komunistëve të Jugosllavisë për Kosovë ndaj Demonstratave të vitit 1968*; Binak Ulaj, *Jehona e Demonstratave të vitit 1968 dhe solidarizimi i shqiptarëve të Plavës e të Gucisë*; Irfan Shaqiri, *Dëshmi historike për Demonstratat e 27 nëntorit 1968 në Gjilan*; Ismail Gashi, *50 - vjetori i Demonstratave më 1968 në Kosovë dhe kontributi i veprimtarëve të Lipjanit me rrethinë*; Mehmet Bardhi, *Demonstratat e vitit 1968 në Kosovë: pjesëmarrja dhe jehona e tyre te shqiptarët në trojet e veta, sot në Malin e Zi*; Muharrem Musliu, *Situata në Prishtinë më 1968 dhe Demonstratat e 27 nëntorit*; Nehat Selimi e Selver Bekteshi, *Ngritja e flamurit kombëtar në Llopat të Kumanovës, më 28 Nëntor 1968*; Ramadan Blakaj, *Peja më 1968 dhe Demonstratat e 19 tetorit*; Rexhep Ferizi, *Demonstratat e vitit 1968 dhe kontributi i Shkollës Normale të Pejës*; Rexhep Hasani, *Roli i rinisë në Demonstratat e vitit '68 në Tetovë*; Sabit Sylja, *Evokim kujtimesh për Brezin '68 të Llapit*; Skënder Lutfiu, *Demonstrata e 27 nëntorit 1968 në Ferizaj*; Ukë Thaçi, *50 -vjetori i Demonstratave në Therandë, më 8 tetor 1968*.

Fjalën e mbylljes e mbajti Prof.dr. Hakif Bajrami.

1 Veprimtaria botuese:

Gjatë vitit 2018 Instituti i Historisë “Ali Hadri”-Prishtinë, në kuadër të veprimtarisë botuese nxori këto botime:

1. Teuta Shala-Peli, *Days of the proud pain*, Instituti i Historisë “Ali Hadri” -Prishtinë, 2018, 179f. Thelbi i trajtimit të temës në këtë monografi është masakra e 14 majit 1999 në fshatrat Qyshk, Pavlan dhe Zahaq, masakra këto të cilat lanë gjurmë të pashlyera të dhembjes dhe të trishtimit në kujtesën e të gjithë atyre që e përjetuan. Libri “Ditë e dhembjes krenare”, prezanton një pjesë të historisë më të re të Kosovës, e cila fatkeqësisht karakterizohet me dhunë, vrasje, masakre, dëbime, kidnapime e forma të tjera të dhunës, nga forcat serbe në prag të shekullit XXI.
2. Sabile Keçmezi-Basha, *Ballafaqimi me dëshmitë historike*, Instituti i Historisë “Ali Hadri” -Prishtinë, 2018, 590 f. Ky libër përfshinë punimet që autorja i ka botuar në gazeta të ndryshme si dhe në revista shkencore që përfshinë periudhën kohore 2012-2018.

3. Sabile Keçmezi-Basha, *Ngjarje dëshmitë dhe identiteti komb kombëtar*, Instituti i Historisë “Ali Hadri” -Prishtinë, 2018, 561 f. Ky libër përfshinë punimet që autorja i ka botuar në revista, periodik dhe gazeta të kohës. Gjithashtu në këtë libër janë përfshi edhe vështrimet e recensionet e ndryshme që autorja i ka shkruar për librat e historianëve të tjerë por edhe vështrime të historianëve që i kanë shkruar për librat e botuara të Prof.dr. Sabile Keçmezi-Basha.
4. Sabile Keçmezi-Basha, *Procesi gjyqësor i Prizrenit, 1946 (Dokument)*, Instituti i Historisë “Ali Hadri” -Prishtinë, 2018, 701 f. Ky libër ka për objekt studimi procesin gjyqësor të Prizrenit të vitit 1946. Libri është i ndarë në pesë kapituj, ku janë përfshirë procesverbalet nga procesi i gjyqimit të anëtarëve të Organizatës Ilegale Nacional Demokratike Shqiptare, pastaj ankesat e të denuarve si dhe aktgjykimet.
5. *Lidhja Shqiptare e Prizrenit në dokumentet Austro-Hungareze (shtator 1878-nëntor 1879)*, përg.: Marenglen Verli, Vëllimi II, Instituti i Historisë “Ali Hadri” -Prishtinë, 2018, 684 f. Ky vëllim me dokumente përfshin dokumentet nga fundi i shtatorit 1878 deri në fund të nëntorit 1879, duke na ofruar informata për sfidat me të cilat u përball Lidhja Shqiptare e Prizrenit. Gjithashtu dokumentet e botuara në këtë vëllim na ofrojnë të dhëna edhe për raportet mes Lidhjes së Prizrenit dhe shtetit osman, si dhe me shtetet fqinje.
6. *Lidhja Shqiptare e Prizrenit në dokumentet Austro-Hungareze (dhjetor 1879 - qershor 1880)*, përg.: Beqir Meta, Vëllimi III, Instituti i Historisë “Ali Hadri” -Prishtinë, 2018, 856 f. Në këtë vëllim janë përfshi dokumentet nga fillimi i dhjetorit 1879 deri më 30 qershor 1880. Dokumentet e këtij vëllimi na njoftojnë për qëndrimin e diplomacisë vjeneze ndaj çështjes shqiptare, për qëndrimin e Fuqive të tjera të Mëdha, për përpjekjet e mëdha që bëri Lidhja Shqiptare dhe shqiptarët e veriut për të mbrojtur territoret kombëtare si dhe për raportet e Lidhjes Shqiptare me qeverinë osmane.
7. Jusuf Osmani, *Djaloshi me shikim lirie Ahmet Alush Pantina*, Instituti i Historisë “Ali Hadri” -Prishtinë, 2018, 300 f. Ky libër i kushtohet dëshmorit Ahmet Pantina. Aty paraqitet sakrificat dhe kontributi i dëshmorit të kombit Ahmet Pantina për lirinë e Kosovës.
8. Jakup Krasniqi, *Skënderbeu dhe porositë për shekullin XXI*, Instituti i Historisë “Ali Hadri” -Prishtinë, 2018, 288 f. Tema bosht e librit janë komentimet e fjalimeve të Gjergj Kastriotit-Skënderbeut. Në këtë libër autori ka bërë përpjekje që vizioni historik i Skënderbeut për shtetin t’u shërbejë gjeneratave të shekullit tonë dhe shekujve në vazhdim, dhe ta përdorin si mësuese jete për të ardhmen e kombit.
9. *Gjergj Kastrioti-Skënderbeu në fondet e Arkivit Shtetëror të Dubrovnikut: dokumente, hulumtoi dhe përgatiti*, Gjon Berisha, Instituti i Historisë “Ali Hadri” -Prishtinë, 2018, 433f. Ky vëllim me dokumente përfshinë harkun kohorë prej viteve të 30-ta të shekullit XV deri në vitin 1468, të dhënat që na ofrojnë këto dokumente fillojnë kryengritjet e Gjon Kastriotit në pranverën e vitit 1430, me shpërthimin e kryengritjeve në viset e tjera të Arbërisë, për të vazhduar më periudhën e Skënderbeut, dhe përfundojnë më lajmin për vdekjen e tij 1468. Dokumentet e botuara në këtë vëllim, grupohen në tri kategori: dokumentet për paraardhësit e Skënderbeut, dokumente për tregtinë në kohën e Skënderbeut si dhe dokumentet për luftërat anti-osmane të Skënderbeut dhe qëndrimin e Raguzës.
10. *Shqiptarët gjatë Luftës së Dytë Botërore, Arkivat Kombëtare Britanike, hulumtoi dhe përgatiti*, Hamit Kaba & Sabit Sylva, Instituti i Historisë “Ali Hadri” -Prishtinë, 2018, 532 f. Ky vëllim me dokumente përfshinë periudhën e Luftës së Dytë Botërore, në kuadër të të cilit janë përfshirë dokumente të cilat nuk i përkasin vetëm Shqipërisë së sotme politike, por të gjitha territoreve shqiptare të përfshira në një shtet të përbashkët gjatë periudhës gusht 1941 - nëntor 1944. Në këtë vëllim janë përfshirë dokumentet që merren me planet e komandës së lartë ushtarake britanike për të zbarkuar në Ballkan dhe në Shqipëri në pranverë-verë të vitit 1943, pastaj dokumentet për mbërritjen e të parit mision britanik në Shqipëri në pranverën e vitit 1943, për kontaktet e para të tyre me disa udhëheqës të lëvizjes partizane, për

Konferencën e Mukjes dhe arsytet e prishjes së saj, për marrëdhëniet e tensionuara e armiqësore të LNÇ me Ballin Kombëtar, luftën civile etj.

2 Promovimet:

Më 25 shtator të vitit 2018 Instituti i Historisë “Ali Hadri”-Prishtinë, organizoi promovimin e librit “*Djaloshi me shikim lirie Ahmet Alush Pantina*”, të autorit Jusuf Osmani. Në këtë promovim për vlerën, rëndësisë dhe përmbajtjen e librit folën: kryerdaktori i librit njëherish drejtor i Institutit të Historisë, prof.assoc.dr Sabit Sylja, pastaj recensentet e librit: Dr. Nuri Behxheti Prof.dr. Ibrahim Gashi, Prof.dr. Sali Bashota, si dhe autori i librit Dr. Jusuf Osmani. Në fund të promovimit në emër të familjes foli Xhevdet Pantina, vëllai i dëshmorit Ahmet Pantina, i cili shprehu falenderime për të gjithë ata që kontribuan për botimin e librit “*Djaloshi me shikim lirie Ahmet Alush Pantina*”.

Më 17 tetor 2018, në kuadër të aktiviteteve kushtuar 550-vjetorit të vdekjes së Gjergj Kastriotit-Skënderbeut, Instituti i Historisë “Ali Hadri”-Prishtinë në bashkpunim me Instituti i Historisë-Tiranë organizuan promovimin e librave kushtuar Vitit Mbarëkombëtar të Gjergj Kastriotit-Skënderbeut dhe mesjetës, me këtë rast u botuan këto monografi:

-Jakup Krasniqi,*Skënderbeu dhe porositë për shekullin XXI (Skanderbeg and the messages for the 21st century), II, Prishtinë 2018;*

-Pranvera Bogdani, *Balshajt (The Balshaj), ASA, Tiranë 2018;*

-Aleks Buda, *Studime për Skënderbeun (Studies about Skanderbeg), ASA, Tiranë 2018;*-*Regjistri i Sanxhakut Arvanid (The Registry of the Arvanid Sandzak), ASA, Tiranë 2018;* -Konstantin Jireçek,*Nga Shkodra gjer në Vlorë (studime mesjetare)(From Shkodra to Vlora (medieval studies)), ASA, Tiranë 2018.*

Në këtë promovim fjalën e hapjes e mbajti Prof. asoc. dr. Sabit Sylja, drejtor i Institutit të Historisë “Ali Hadri”. Ndërsa, një fjalë përshëndetëse e mbajti Ministri i Arsimit Shkencës dhe Teknologjisë z. Shyqyri Bytyqi.

Për librin: *Skënderbeu dhe porositë për shekullin XXI*, folën recensenti i librit Akademik Marenglen Verli, rektor i Akademisë së Studimeve Albanologjike të Shqipërisë si dhe Dr. Jakup Krasniqi autor i librit.

Për librin *Balshajt*, foli vetë autorja e librit Dr. *Pranvera Bogdani*, kurse për librat:*Studime për Skënderbeun;Regjistri i Sanxhakut Arvanid;Nga Shkodra gjer në Vlorë (studime mesjetare)*, foli Dr. Eduart Caka.

3 Projekti “Historia e Kosovës”

Gjatë vitit 2018, është vazhduar të punohet në projektin “Historia e Kosovës”, i cili është edhe projekti kryesor i Institutit të Historisë “Ali Hadri” për vitet 2017-2020.

- Është grumbulluar nga shkruarit/autorët për rreth 80% njësitë të materialit të përgjithshëm;
- Është vazhduar me kërkime shkencore në Arkiva të ndryshme në grumbullimin e dokumenteve përkatëse
- Është bërë leximi i parë i këtyre njësive nga Këshilli Drejtues i Projektit, të cilët, vërejtjet dhe rekomandimet e para i kanë dhënë me shkrim;
- Rekomandimet dhe vërejtjet individuale u janë dërguar autorëve të njësive përkatëse;
- Është mbajtur mbledhja e parë debatuese e Këshillit drejtues të Projektit, ku është konstatuar gjendja e tanishme, sukseset dhe sfidat e Projektit.